

家秩壹萬二千四百石并其食祿五千石賜。君嗣爲國老。寶永元年大老山城守任風卒。闕朝散大夫一人。公請幕府以君補焉。二年二月叙朝散大夫。任丹波守。爲大老。君東行詣幕府。拜命而還。四月君有疾。公屢遣近臣存問不置。疾亟。公親臨視。移時乃還。既又命諸國老與其親戚。議醫藥事。警以防護勿怠。然君疾遂不起。以閏四月二十日酉刻終于正寢。享年五十三。公聞之哀嘆不已。翌日遣使弔慰明敬等。以賻銀若干賜其家。二十三日夜葬于野田山先塋。其葬埋之注。君豫自筆記。使執以從事。大率依前年葬。壹岐君之儀云。君自少在公左右。甚以精勤見寵任。其爲輔相執國命二十三年。忠赤奉上。始終如一。老成練達。爲國人所倚重。君幼承家訓。學々學術。既長。東遊見明朱舜水先生。又遊林學士之門。問道講學有年。其治家奉先。一以儒爲法。平生有餘力習武藝。往々絕人。自始病至將終。未嘗一言及家事。猶諱々以無報國恩爲可恨。君娶品川氏。生三男四女。其側室六男四女。長明敬。後君一年卒。次溫良。次貴林。次定賢今存。女長適前田知賴。次適山崎能英。次適與村忠尙。次適織田信庸。皆早卒。其季女適人者今存。其餘男女

及成立而卒。孝子溫良泣血謹記。
故兵部君與村存義之墓
兵部君諱明敬。字存義。號誠齋。父與村惠輝。朝散大夫兼丹州刺史。母品川雅直次女。以天和元年十一月二十二日。生君子賀州金澤之第。元祿六年正月十五日。始執贊拜謁公家。九年八月二十八日。始有元服之儀。九月十五日始出就拜賀之列。其後每月朔望以爲常。十二年七月。從大夫君赴東武。凡邸中盛會禮饗。君必與焉。寶永二年閏四月二十日。丁大夫君之憂。六月十三日。賜君襲世祿一萬七千四百五十石如故。二十五日公家召君於前。命爲前軍將如大夫君時。且面諭令君日會諸大夫于廳。以接國政。三年二月君有疾。踰月不愈。三月八日國老本多政敏前田直堅村井親長來視疾。議醫藥事。君力疾見三老。拜國恩之辱。十五日巳時遂終于正寢。享年二十六。越十七日葬于野田山之先塋。公在東武聞君疾亟。遣宮崎重旨問疾。且諭溫良等以保護不可怠。及訃至又遣前田直信來弔喪。慰問溫良等甚厚。四月三日使湯原應信奉命賜賻銀二十枚。君幼稟異質。既長以聰敏見稱。事親孝。與人信。持身恭。加之能奉祖考遺訓。好學

篤志於儒。雖生多病常親醫藥。然其所以內供祭祀外接賓友者。未嘗不黽勉從事。於此衆皆望之。以爲有老成之度。公亦將任以政。而不幸短命而死。命也矣。君死之日。朝野聞之。莫不嘆息而哀惜焉。亦可見遺愛在人之深矣。君未及娶而卒。無子。遺言以弟溫良爲嗣。今襲君後仕國。
寶永六年歲次己丑三月十五日
弟溫良謹記

薰風和舜絃。帷中非借箸。陌上是遺鈿。
不羨滄霞客。還懷服氣仙。吐成玄圃霧。
嗽作白雲泉。嘗夢心良苦。紐蘭佩可捐。
微陽回黍谷。尺賣出藍田。因識蓬瀛侶。
徒勞採藥缸。

右二篇出於鳩巢先生撰。

一、白石、桃溪煙管の詩

戲謝源洞崑所惠金煙管四十句

白石

相思千萬里。芳草旣爲烟。遙謝琅玕贈。
何酬錦段鮮。班々雙淚竹。豔々並頭蓮。
鵝管長且細。螺杯小復圓。變如象鼻曲。
鑿若馬蹄翻。聊比繞朝策。那論武子錢。
碧筩宜共飲。青簡豈須編。王衍曾揮麈。
蘇卿本嚙氈。趣同餐蔗境。狂似嗜茶顛。
絕勝檳榔醉。要將桃李憐。丁香香自結。
柳線線猶牽。朱焰龍啣燭。丹爐虎伏鉛。
飛灰金瑄內。擊節玉壺邊。流火歌幽雅。

擬白石先生前題作十六韻
桃溪
五嶺無冬夏。烟飛瘴癘鄉。一朝初下種。
百世遠流芳。炎帝遺朱宇。燧人興赤祥。
南金雙自贈。東箭美仍剛。勾踐曾懸膽。
孔丘不撤薑。涎垂逢麴處。唾落拾珠傍。
馥郁蘭齊握。冥眩藥更嘗。青樓吹壁氣。
素練吐虹光。蠶白受辛小。椒盤守歲長。
春雲衣上繡。夜雨帳中香。祝嘯俱扶老。
療饑便得方。王生憐竹綠。韓子薦蕉黃。
金葉如蠶事。啣蘆似雁行。寬心非是酒。
露渴勝於漿。旣醉還堪賦。相思豈敢忘。
誰能知味者。情在獨眠牀。

右白石氏朱批